

ՎԱՀԵՆ ԵՐԿՐԱՆՅԱՆ. Պալֆաւ հայկական ընդհանուր հայրոցի համար Անդրկովկասում (1870—1905 թթ.), ԳԱ Հրատարակչություն, Երևան, 1970, 309 էջ:

XIX դ. երկրորդ կեսի հայ հասարակական մարտի պատմությունը թերի կրիներ առանց դպրոցական շարժման պատմության վերահանման, առանց այն հսկայական ջանքերի վերահանման, որ ներդրել են դպրոցների աշխատանքների կազմակերպման գործում հայ մտավորականները:

Սովետահայ րանասերները և հայ մանկավարժության պատմաբանները նշանակալից աշխատանք են կատարել հայ մանկավարժության անցած ճանապարհի ուսումնասիրության համար:

Ինչ նորություն է բերում պատմաբան Հեղինակի դիրքը սովետահայ մանկավարժական գիտության բնագավառում: Վահեն Երկանյանը անպայման նոր խոսք է ավելացնում եղածին, պատմական տեսանկյունով լուսաբանում առաջին պահ նեղ մասնագիտական թվացող մանկավարժական ոլորտի հարցերը: Մեր կարծիքով, աշխատության ամենամեծ արժանիքն այն է, որ Հեղինակը մեր իրականության մեջ առաջին անգամ ստեղծել է Կովկասի հայ դպրոցներին հաղափական պատմությունը, այդ դպրոցների կազմավորման, զարգացման, հարատևման համար մղված պայքարի լայն ֆոնի վրա: Ոչ մեկը չի ժխտում, հարկավ, այն միտքը, թե պետականությունից զրկված հայ ժողովրդի համար դարձող շարունակ քաղաքական ինչ կշիռ է ունեցել նրա դպրոցը: Վ. Երկանյանը ոչ միայն բազմաթիվ փաստերով հաստատում է հայ դպրոցին բաժին ընկած պատմական այդ միսիայի կարևորությունը, այլև վեր է հանում ցարկովի բյուրոկրատական ապարատներում ձեռնարկված միջոցառումները՝ հայ դպրոցի ձեռք բերած քաղաքական նշանակությունը չեղոքացնելու ուղղությամբ: Նրբին հետախուզական աշխատանքով Երկանյանը վերականգնել է XIX դ. վերջին քառորդում ցարական Ռուսաստանում միմյանց դեմ ծառացած երկու ուժերի անտես մենամարտի իրադրությունը: Պատմական մեծարժեք փաստաթղթերի հրապարակումով նա բարձրացրել է խորհրդավոր այն վարագույրը, որի տակ տասնամյակներ շարունակ գոտեմարտում էին պաշտոնական բյուրոկրատիան և քաղաքական շնորհներով ապրել տենչացող մի ժողովրդի լուսավորության մշակները:

Վահեն Երկանյանը, դրան զուգընթաց մեծ բարեխղճությամբ շարադրել է Կովկասի հայ դպրոցների գործունեության պատմությունը՝ XIX դ. 70-ական թվականներից մինչև 1905 թ. Անկախ այն շարժառիթներից, որոնցով առաջնորդվել է Հեղինակը, պատմական այդ ժամանակահատվածի ընտրությունն արդարացի է նաև այն առումով, որ պրոֆեսոր Մ. Սանթրոսյանն արդեն ստեղծել է «Արևելահայ դպրոցը XIX դարի առաջին կեսին» մեծարժեք մենագրությունը: Այստեղ բազմակողմանիորեն լուսաբանված է Ռուսաստանում հայ դպրոցների վիճակը, դրանց զարգացման առաջին էտապում: Մի շարք կողմերով ուշադրավ այս աշխատության հեղինակը հարցի պատմությունը հասցրել է մինչև 50-ական թվականները, որտեղից էլ, ըստ էության, սկսում է իր ուսումնասիրությունը Երկանյանը:

XIX դ. 50—60-ական թվականների ժամանակաշրջանը Վ. Երկանյանը բնութագրում է իրրև հայ դպրոցի դադարաբանական հիմնավորման շրջան, որից հետո դպրոցը մտնելով զարգացման հաստատուն հունի մեջ, ձևավորվում է իրրև աշխարհիկ, մասսայական դպրոց: Նա բազմապիսի աղբյուրներից բաղված փաստերով ճշգրտում է դպրոցների քանակը (դրանց զարգացման տարբեր էտապներում), ուսուցիչների և աշակերտների թվական կազմը, դասավանդվող առարկաների ցանկը, պարզում է ուսուցիչների աշխատավարձի սիստեմը, նրանց կրթական ցենզի հետ կապված հարցերը և այլն: Աշխատության մեջ տրվում է ժամանակի դպրոցական երեք հիմնական տիպերի բնութագիրը (ծխական, հոգևոր և թեմական), ներկայացվում է այն է, որ թեմական տիպի սոցիալ-տնտեսական պայմաններից զրկված հայ դպրոցները մտել էին լուսավորչական եկեղեցու հովանու տակ, ընդունել «հոգևոր» անվանումը, բայց իրականում մերժում էին կղերական ոգին և ամուր կանգնած լինելով աշխարհիկ սկզբունքների հողի վրա, լայնորեն ընդառաջում էին առաջադեմ-ժողովրդական որոնումներին ու ձեռքբերումներին (էջ 64):

Դպրոցական շարժումը Հեղինակը ներկայացնում է ժամանակի կովկասահայ իրականության մեջ ծավալվող մշակութային շարժման հետ դրա ունեցած առնչությունների մեջ: Եվ այդ հասկանալի է: Բուրժուական զարգացման ոլորտները ոտք դրած հայ հասարակությանը հար-

կ—'ո' էր հասցնել ազգային ինքնաճանաչության. անհրաժեշտ էր զարկ տալ ժողովրդի լուսավորման գործին, ուստի հայ մտավորականներն այդ նպատակին էին ծառայեցնում ոչ միայն դպրոցները, այլև հասարակական ընկերությունները, զանազան միություններ, ընդհանուր էին գրադարանների ցանցը և այլն:

Երկանյանը հակիրճ գծերով ներկայացնում է Կովկասի «Բարեգործական», Բաքվի «Մար-դասիրական» ընկերությունների ու դրանց մասնաճյուղերի գործունեությունը Նա քննարկում է ՏԼՏ դ. վերջին քառշրջում ստեղծված մանկավարժական պարբերականները, վեր հանում հայ մանկավարժական գիտության զարգացման առանձնահատկությունները, նոր կազմակերպչա-ազգային մանկավարժական սխտեմը զննատուում նրա դեմոկրատական էությունը: 1882 թ. ուսուցչական ժողովը գրքի հեղինակը ամենայն իրավամբ դիտում է իբրև արևելահայ դպրոցական շարժման բարձրակետը, որը հավաստում էր հայ դպրոցի աշխարհականացման փառա-տը և ազգային կրթության կատարելագործման երևույթը:

Կենտրոնական պատմական արխիվներում պահվող ժամանակի պետական գործիչների հաղտնի գրադրությունների հրապարակումը հստակ լույս է սփռում փոքր ազգությունների բուսացման ցարիզմի քաղաքականության վրա: Մեկ անգամ ևս ապացուցվում է այն ճամար-տությունը՝ թե հայ ժողովրդի համար ճակատագրական այդ օրերին որքան նպատակասլաց էին գործում հայ սոցիալ-դեմոկրատները, որոնք ժողովրդի պայքարն ուղղում էին դեպի արհեստական միակ հեռանկարային նպատակը, խորապես արժեքավոր են գրքի այն էջերը, որ-տեղ լուսաբանվում է հայ եկեղեցական գույքը բռնագրավելու վերաբերյալ 1903 թ. հունիսի 12-ի օրենքը և նկարագրվում է ժողովրդի դիմադրական շարժումը:

«Պայքար հայկական նոր դպրոցի համար Անդրկովկասում» մենագրությունը գրված է գի-տական բացառիկ բարեխղճությամբ և լեզվական բարձր կուլտուրայով: Այն մեծ օգնություն կարող է ցույց տալ հայ հասարակական մտքի, մասնավորապես հայ դպրոցների պատմու-թյամբ զբաղվող մեր մտավորականությանը:

Գրքում նկատվող առանձին վրիպումները անխուսափելի են նման աշխատության համար, որի ընդգրկումների լայն շրջանակը, բնականաբար, իր հետ բերում է և որոշ հարցերի սեղմ կամ նույնիսկ սխեմատիկ մեկնաբանություն: Այսպես, մեր կարծիքով, առանձին մանկավարժ-ներին տրված զննատականների հարաբերության առումով, անարդար լինելու չափ զուսպ է ներկայացված խորեն Ստեփանեի գործունեությունը, այնինչ Ստեփանեն թե՛ մանկավարժական աշխատանքի իր անուրանալի եռանդով, և՛ թե՛ լրագրության ասպարեզի վաստակով նվաճել է մեր պատմաբանների և բանասերների առավել մեծ ուշադրությանն արժանանալու իրավունքը: Մեր կարծիքով անփույթ է ներկայացված և նրա «Շաշկական աշխարհ» ամսագիրը, արևելա-հայ իրականության առաջին մանկավարժական օրգանը. անտեսված է այդ հանդեսի էությունը տեղ գտած մանկավարժական ծանրակշիռ բաժինը, որտեղ ժամանակին նույնիսկ զետեղվել են Բելինսկու, Դոբրոլյուբովի և Պիսարևի մանկավարժական հոդվածները: Հետագայում «Ման-կավարժաց» ամսագրի հրատարակումով Ստեփանեն նշանակալից գործ է կատարել հայ ու-սուցիչների դիտական որակավորումը բարձրացնելու ուղղությամբ: Ավելին, իր իսկ խոստովա-նությամբ, Ստեփանեն «օր ու գիշեր» երազել է Եվրոպայի օրինակով մանկավարժական ու-սումնական հաստատություն ստեղծել հայ իրականության մեջ (մանկավարժաց) և միայն կյանքի ձախորդ հանգամանքներն են նրան խանգարել իրականացնելու այդ ծրագիրը:

Թերևս վիճելի կարելի է համարել Գարրիել Այվազովսկու հայացքներին տրված «Եղևրա-պահպանողական» ձևակերպումը, քանի որ կղերականությունը՝ հայացքներում և գործունեու-թյան մեջ և պահպանողականությունը այլազան հասկացություններ են և հազիվ թե իրավացի է գիտնականը՝ միևնույն լծի տակ դրանք շաղկապելով իրար: Կարծում ենք նաև, շատ կուռ և հստակ շարադրված առանձին գլուխների վերջում ավելորդ կրկնություններ են դառնում ամ-փոփոմները:

Սրանք, հարկավ, չնչին զանցանքներ են: Վ. Երկանյանի աշխատությունը ճշգրիտ և հան-գամանալից մի պատմություն է հայ դպրոցների դերի և նշանակության, ազգային լեզվի ու մշակույթի զարգացման համար ցարիզմի դեմ Կովկասի ժողովուրդների մղած պայքարի մասին: Գիրքն ավարտվում է ռուսական առաջին հեղափոխության շնորհիվ հայ դպրոցների վերարաց-մանը նվիրված էջերով: Պետք է ենթադրել, որ հեղինակը կշարունակի հայ դպրոցների պատ-մությունը նվիրված իր աշխատությունը և կստեղծի արևելահայ դպրոցների նախահեղափոխա-կան շրջանի ամբողջական պատմությունը: Քննարկվող գիրքը այդ գործի հաջողության ամե-նամեծ գրավականն է:

Մ. Հ. ՄԽԻՔԱՐՅԱՆ